


歷代史論

二編五


九




庫文閣內	
元	九
函	二
二	元
四	二
架	冊
	號
	類

內閣文庫	
番號	漢 9292
冊數	10 ( 7 )
函號	297 180







歷代史論二編卷之五

淺草文庫

婁東張溥西銘著

馮跋滅後燕



慕容寶聞而不斷。死于奔亡。慕容盛峻極威刑。為段璣等所弑。後懲前失。遘禍則均。豈幹父之。蠱其君。亦有戾歟。益信沉潛剛克。高明柔克。洪範所云。皇極體常。三德盡變。非虛也。盛中傷輦。并殿召叔父河間公熙。屬以後事。熙未至而盛死。度熙託國在熙。與在太子定。與皆未可知。熙。

史論二編

卷之五 馮跋滅後燕

史記二編 卷五  
竟得立者。丁氏意也。丁氏盛伯莊獻太子全之。妃盛卽位尊爲太后。熙素得幸于丁氏。盛死遂命立熙。熙旣立。納苻謨二女。最寵幸。丁氏怨恚。詛呪。與丁信密謀廢熙。事洩死。昔衛宣公烝於夷姜。生急子。娶于齊。而美公取之。生壽及朔。夷姜失寵。自縊。熙迫殺丁氏。無辭乎。弑在丁氏。失行死。猶夷姜也。大苻昭儀。小苻皇后。皆美而夭。昭儀死。熙殺王榮。后死。熙服斬衰。以嫂爲殉。至起徽平陵。被髮徒跣送葬。馮跋等推慕容雲爲

主。發尚方。徒閉門距熙。熙收髮。負甲。夜攻龍城。不尅。徽服隱林中。被執。雲弑之。太康。畋有洛之表。翼距于河。適因民弗忍。豈煩兵力哉。苻堅取燕。寵慕容垂。夫人段氏同輦遊。後庭趙整作歌。以諷慕容冲。清河公主娣弟專寵。長安有雌雄鳳凰之謠。後慕容氏卽叛。堅覆秦。今熙亦納苻氏女。以隕其宗。哲婦傾城。抑何好還也。且垂后先。段氏當垂爲。吳王時。涅浩等誣以巫蠱。入獄。至死不撓。垂得免禍。後段后勸垂廢寶。除麟。不

史記二系 卷五  
聽而亂盛妃爲蘭汗女汗欲殺盛妃涕泣保全  
又奉事丁氏孝謹後燕諸后妃並稱賢智獨丁  
苻導欲其亡忽諸國家再造難而墜命易更亂  
以後于婦人女子尤兢兢乎慕容雲高和之孫  
厚重希言時人謂愚惟馮跋奇其志度寶爲太  
子雲以武藝給事拜侍御郎襲破慕容會軍寶  
子之賜姓封夕陽公熙攻高句麗還雲畏其虐  
以疾去官及葬苻后跋詣雲逼舉大事旣立內  
懼蓄養壯士使離班桃仁典宿衛若固急自防  
驪姬玄妻之惑蕩海朝山之遊未敢縱也小臣  
肆憾尸遷東宮其得立也不意死也亦不意天  
亡後燕先殄本宗繼及養子慕容氏一亂而易  
爲高再亂而易爲馮矣

蒙遜滅西涼

綱目于晉安帝義熙元年書西涼公暲遣使來  
上表三年復書是時天下無君久矣有一人知  
尊正統者則特書嘉之所以存天王黜僭國也  
李昶者漢李廣苗裔幼有令名蚤卒遺腹生暲  
少好學長習武藝誦孫吳兵法郭曆預知其當  
有國土呂光末京兆段業僭位使暲嗣爲敦煌  
太守張邈宋繇說暲距之又構業殺嗣業固儒  
生無權畧外迫于暲內惑于沮渠男成不難殺

史記二系  
嗣以謝嵩然已使之而已殺之何以令下乎嵩  
據敦煌之明年業即見弒于沮渠蒙遜當日固  
知其氣盡矣嵩遣舍人奉表詣闕云五嶽神山  
狄汗其三九州名都夷穢其七忠義憤發慨然  
有慕于召陵城濮之師誠謂涼州世順張氏先  
業可指日而復也遷都酒泉兵戈歲動禿髮僞  
檀入據姑臧沮渠蒙遜基宇漸廣河西十郡其  
猶左衽乎不得已而著述志槐樹大酒容諸賦  
以寄情僻陋遐方立功非所大業未成而年將

頽暮誅妻誠子不怠道德終其身一文學之士  
循良之長而已敢曰與王千里哉子歆繼嵩嚴  
刑煩役張顯汜稱苦諫不納好戰而敗身死藜  
泉父不能為齊桓晉文子反為宋襄王偃霸王  
之事談何容易哉嵩妻尹氏好學清辨有志節  
初適馬元正元正卒為嵩繼室自恨再醮三年  
不言撫前妻子踰于已生贊嵩創業西川有李  
尹王燉煌之嘑歆謀襲張掖尹氏力止不聽遂  
敗死其賢識過陳嬰之母無如子壯罔何也宋

史記二編 卷五 五  
繇爲高同母弟。佐高開國。受顧命。相孺子。國亡。不死。臣于蒙遜。與宋承之。背李恂等耳。歆子重耳奔江左。後仕魏。子孫歷周隋。封公。竟啓唐室。世德不及公。劉卜曆長于秦仲河右。二十四年。竟與汧渭岐邠竝美廢興。亦各有天也。

乞伏滅南涼

前涼張軌據涼州。歷九世。七十有六載。而苻堅滅之。後涼呂光據姑臧。歷三世。十有三載。而姚興滅之。西涼李暠據河右。歷二世。二十有四載。而沮渠蒙遜滅之。南涼秃髮據廣武。歷三世。十有九載。而乞伏熾盤滅之。北涼沮渠據張掖。歷二世。三十有九載。而魏滅之。軌之興也。繇中原淪沒。元帝徙居江左。乃控據河西。稱晉正朔。至天錫降于苻氏。其地尋爲呂光所據。光都姑臧。



後以郭曆言讖改昌松爲東張掖郡。及呂隆降姚興。地始三分。有西南北之號。然呂光臣于堅者也。段業臣於光者也。沮渠蒙遜李暠又臣于業者也。光叛堅。業亦叛光。蒙遜與暠從而效之。暠知尊晉。史無貶辭。蒙遜殺業。直斥爲弑。上下之防嚴矣。秃髮烏孤則鮮卑別種。遠祖匹孤。自塞北遷河西。稱雄強久。光初王時。烏孤卽辭其爵。旣取金城。遂爲南涼。傳弟利鹿孤。僭檀。檀威邊塞。抗衡大國。蒙遜熾磐。咸服從。委質其強能。

臣人非臣于人而叛者也。僭檀自晉安帝元興初稱涼王。徙樂都。歲與沮渠構兵。唾契汗乙弗等部叛。更親興討。熾磐乘虛襲之。樂都城潰。容身無所。歸于西秦。遇鳩死。當僭檀之數。攻南涼也。惟怒蒙遜不知諸部之叛。旣破乙弗。不知西秦之襲。所敵在此。所禍在彼。常勝之兵。忽喪其家。楚靈黷武。身死乾谿。自古喪亡者。其國豈盡弱小哉。苻堅寇晉而敗。翟斌叛之。命慕容垂討。斌而垂叛。命姚萇討。垂而萇又叛。苻氏遂亡。得

勢○之○君○敵○皆○我○役○也○失○勢○之○君○役○皆○我○敵○也○苻  
 堅○肥○水○僞○檀○乙○弗○咸○以○驕○斃○勝○亦○何○可○恃○也○晉  
 隆○安○中○乞○伏○乾○歸○困○于○姚○興○奔○南○涼○以○子○熾○磐  
 為○質○後○熾○磐○逃○歸○遇○執○利○鹿○孤○命○殺○之○僞○檀○以  
 魏○武○善○關○羽○秦○昭○怨○頃○襄○為○言○乃○赦○之○無○何○又  
 奔○允○街○僞○檀○歸○其○妻○子○今○南○涼○窮○厄○固○熾○磐○報  
 德○之○日○也○然○夫○差○能○容○句○踐○句○踐○必○殺○夫○差○出  
 反○勢○極○寧○有○生○存○者○乎○西○涼○之○亡○尹○太○后○守○義  
 蒙○遜○不○敢○殺○南○涼○亡○僞○檀○女○為○熾○磐○后○謀○復○讐

而○死○強○虜○無○繼○絕○之○仁○婦○人○懷○宗○國○之○志○其○亦  
 人○心○之○不○滅○者○歟

蒙遜伐西秦

宋文帝元嘉五年夏五月秦王乞伏熾磐卒世子暮末立六月涼侵秦秋秦及涼平冬涼復攻秦六年夏涼及吐谷渾侵秦秦敗之獲涼世子興國七年冬秦遷保南安八年春夏滅秦以秦王暮末歸殺之暮末在位三年歲苦戰爭竟遭赤族窮困極矣魏書云暮末政刑酷濫內外崩離若誅辛進五族剗殺叔父什寅及白養去列皆其淫戮之大者足以喪軀綱目又書其國災

異者二。日食至。星晝見。地震草反。不雨九月。亡  
徵。亟見。逾年而滅。要其始難。則涼王沮渠蒙遜  
也。熾磐方死。蒙遜乘喪來伐。狡夷無親。固未可  
責。之以禮。然微危迫險。朝盟夕變。其誰堪之。沮  
渠成都爲秦所執。熾磐遺命歸之。暮末從其言。  
蒙遜許和。今暮末執與國。若縱之還。蒙遜必深  
見德。可以息兵。乃怒不聽。贖結怨。河西豈得策  
乎。秦懼涼逼。請迎于魏。焚城邑。燬寶器。而出。至  
高田谷。赫連定發兵逆拒。遂保南安。魏遣使來

迎。又不往。定圍之急。出降。遇誅。始也。涼可以  
和。而不和。旣也。國可以守。而不守。身一播蕩。司命  
在人。或夏或魏。惟所生死。天下未有國君棄社  
稷。歷間關。猶欲中立。保無恙者也。禿髮儁檀與  
蒙遜構兵不已。羣部叛之。自恃其疆。出征乙弗。  
熾磐乘虛襲破樂都。儁檀歸熾磐。未幾鳩歿。儁  
檀所惡者。惟蒙遜而滅之者。反出于乞伏熾磐。  
暮末所畏者。惟蒙遜而滅之者。反出于赫連定。  
事變忽來。烏可測也。儁檀亡于好戰。暮末亡于

史記二編 卷五  
懼敵其速死也。皆繇輕于越境，暗于託身。春秋  
悲紀侯大去其國，南涼西秦蓋蹈之矣。僂檀窮  
犇，獨陰利鹿隨之。尉賢政則固守，浩壘不下。聞  
僂檀之左南，乃降西秦亡矣。焦楷猶勸其父遺  
創大義，殄寇讐，遺病卒。乃犇河西，國家顛覆，忠  
臣乃見顧其時，則無可爲矣。哀哉。

妻段氏方娠，呼延平挈之逃羌中，而生超。觀其  
陽狂秦市金刀，復還卽慕容翰乞食于宇文拓。  
跋珪寄身于賀訥，流離屯晦，亦無以加德子。俱  
喪立超爲嗣，誠天命非人力。即位以後，猜過日  
彰。公孫五樓用事，慕容鍾段宏等離叛，豈行事  
真桀紂哉？所云身長八尺，腰帶九圍，適冠玉而  
糠覈耳。劉裕師來，縱入大峴，其愚倍成。安君不  
守井陘之關，諸葛瞻不據東馬之險，是桀紂之  
不足又甚而爲劉璋也。德初迎超至，夢說命其

早立超爲太子。德感先帝神明。下書不敢後意。者其妖夢歟。不然何亡之暴也。慕容垂與燕子高陽王隆。遼西王農。最賢不立而立寶。國遂大亂。德無子。勢必立超。且有賢名。風表何可廢也。是故立寶垂過也。立超非德過也。張光董銑勸超降。怒不許。卒斬建康。雖無姚泓。御鐸之辱。不免。王始朕崩之。誚死固鴻毛耳。然慕容氏廢興離合。凡四至超而告究。其數盡矣。賢如慕容盛。尚殞于暮夜之戎。超亦何能獨長久哉。

### 劉裕滅後秦

晉書稱姚興取汾絳。陷許洛。欵僭燕。藩僞蜀。夷隴右。靜河西。霸功猶楚莊秦穆。又云委梁都於禿髮。授朔方于赫連。專已生災。邊城繼陷。距諫招禍。蕭牆屢發。論興者詳矣。至王師下長安。凶嗣降軹道。姚氏速亡。人心咸快。然觀姚泓行事。固非亂主也。泓孝友寬和。博學善談論。尊敬師傅。懲戒嚴酷。劉厥之亂。泓遣彭白狼討斬之。諸將請廣首級。謝不許。弟弼謀奪嫡。恩撫如初。姚

身言二編 卷五 十三  
紹爲弼羽翼。推心事之。若皆無愧於人君之度。在位二年而亡。姚萇之惡累之也。萇父弋仲。雖赤亭羌人。素亮直知義。冉閔滅石氏。弋仲戒令諸子歸晉。竭盡臣節。子襄來降。殷浩激之使叛。後爲苻堅所殺。萇卽臣堅。乘危弑之。其罪有三。父命仕晉。背之從亂。一也。兄死于堅。覲顏事讐。二也。旣委質于堅矣。因亂而賊君。三也。萇負三罪。竟享年六十有四。子興繼之。擊殺苻登。僭稱帝者二十二年。逆賊厚終。猶劉淵石勒。縱苻堅。

入夢鬼兵刺血。烏足償厥愆哉。姚泓仁弱。內繼方定。晉師復出。姚懿姚恢先叛。姚紹等戰死。遂泥首獻闕。斬于建康。自古強大之國。其亡也。或以暴君。或以弱主。爲桀紂而亡者。病在暴。爲赧獻而亡者。病在弱。然赧獻之亡。反速于桀紂。國力坐訕。而君威下移也。後秦之興。雄於諸邦。使一剛決善戰。如石虎其人者。守之卽無道。尚能捍禦大敵。與之持久。泓則何能乎。兵交立潰。帥至卽降。直不戰而靡耳。與之有泓。名爲守文。寔

則速斃益信祖宗以逆得國者即子孫中主尚  
 莫能救也且懷愍喪中原人皆思晉咸康永和  
 之間庾亮庾翼褚裒殷浩諸臣歷謀興復功雖  
 不遂魯郡義兵河北遺民懷舊反正者未絕也  
 桓溫敗秦兵于藍田三輔郡縣喜觀官軍不渡  
 灞水王猛譏之薛珍勸溫徑逼長安不從而退  
 珍偏師獨濟頗有所獲長安之望王師久矣劉  
 裕耻江沱之宴安清百年之腥穢亦物逢其會  
 天與其成也裕謀內禪無志西畧流戶嘆息父  
 老流涕觀秦隴悲裕之去足知其喜裕之來惜  
 裕不以義終也



赫連據朔方

魏司馬昭之使鄧艾鍾會伐蜀也。蜀亡而鍾會作亂。鄧艾檻車就徵。姜維爲會謀。王事將成矣。敗于胡烈。亂軍殺會。衛瓘亦襲殺艾。晉劉裕之滅後秦也。王鎮惡沈田子功最多。裕方東還。田子矯殺鎮惡。王脩討田子。斬之。劉義真又殺脩。夏王勃勃遂陷長安。會謀間艾欲舉大事。田子殺鎮惡。憾止爭功。魏不失蜀。晉失關中者何也。魏與吳蜀三分天下。蜀入于魏。吳不能乘。即使

姜維計行鍾會無死司馬昭出大師來爭蜀未  
 必為兩人有也後秦鄰于魏夏裕入洛陽時崔  
 浩知其克秦而歸地終為魏有劉穆之卒裕決  
 意東還王買德即勸勃勃圖秦強敵偏介幼子  
 鎮守又不能推誠大將鬪之使亂夏人窺間而  
 攫直委之矣司馬昭克蜀則篡魏劉裕克關中  
 則篡晉然令鍾會亂成魏不得蜀昭傳子炎必  
 不敢篡懼有兩大國在也劉裕得關中其子失  
 之不害其篡者關中之有無非東晉之所急也

裕既滅秦設留長安經畧西北功成一統晉之  
 版圖其將焉往然裕之自知深矣夏或可兼魏  
 難猝滅與其不得晉也寧失關中是以急行而  
 不顧也裕伐秦而出篡晉而歸非獨晉人知其  
 篡也魏與夏皆知之鎮惡田子將帥相殺上將  
 有篡者下必有爭者其互殺無惟也夫沈王交  
 爭關中必危關中危義真必死裕豈不念之然  
 孺子可忘天位不可失明知之而明棄之其後  
 關中入夏義真逃歸亦義真之幸裕固無暇為

身計二終  
之計萬全也。裕初入長安。議遷都洛陽。王仲德  
止之。終于偏安江左。勃勃得長安。群下請都之。  
不從。既而勃勃殂。子昌立。魏取統萬。赫連氏竟  
奔亡。建國之地所係存亡廢興者大矣。

### 魏滅北燕

慕容廆以晉元帝建武元年據遼東。傳號儁曄。  
共五十二年。而滅于苻堅。時帝奕之。太和五年  
也。孝武帝太元九年。慕容垂興。爲後燕。距前燕  
之亡。僅十一年耳。垂在位十三年。而殂。子寶立。  
四年。爲蘭汗所弑。於是慕容盛稱北燕。都龍城。  
慕容德稱南燕。都廣固。德僭立于隆安之四年。  
至超而滅于義熙之六年。凡二世。共十有一年。  
盛在位三年。遇弑。叔父熙立。在位六年。高雲弑。

之。雲立三年。離班桃仁弒之。馮跋自立爲天王。北燕促亡。與南燕等獨馮跋及其弟弘共享國。二十八年。方滅于後魏。較之德盛曆數爲長。何歟。慕容氏之初興也。虜號邊豪。號懷奇畧。儻則文武兼優。加以機斷合三世之傑。方能龍旌帝服。雄於燕冀。及滅而再興也。垂起少康之一旅。盛慕齊桓之復讐。中山創社。遼陰返舊。雖天命皆人力也。馮跋裔出中州。殊於醜虜。然跡史所稱。恭慎而巳。豈有收羅趙魏。驅駕英雄之策哉。

慕容熙淫德驅怨。跋與素弗萬泥等弒之而立。雲志在佐命。榮寵血流。左臂符命。大事非所敢言。班仁弒雲。李桑張泰奮劔。斬除推跋爲王。跋讓素弗。素弗不受。乃卽位。厲意農桑。勤心政事。二十餘年而卒。當四海戰爭之日。叛換昌黎。優游壽考。可謂非常材之厚幸乎。馮弘跋之少弟。跋旣王。封公管政。萬泥乳陳作亂。弘偕張興聲討。責其尋干戈於蕭牆。棄友于爲闕。伯誅逆。定難。克脩弟道。跋死。忽篡殺其子百餘人。石虎秦

史記二編 卷五 十九  
生未踰其毒。即使魏師不出。大命必盡。况負嵎。僻壤抗敵。太武親子。離背宮殿。烟焚狼嗥。鼠齧。能保適野。無患乎。棄城東徙。身死高麗。傳檀入。秦而鳩。暮末降夏。而誅弘。其有同悲哉。夫前燕。亡于暉。其失也庸。後燕亂于寶。其失也暗。北燕。亡于熙。其失也淫。南燕亡于超。其失也虐。馮弘。上無祖德。內斬兄胤。其惡甚于弑主。延鼎八年。幸亦猶跋矣。

### 魏滅夏

晉之失中原也。先之以劉淵。繼之以石勒。時慕容據鄴。成李據蜀。張氏據涼。其地晉皆不能有也。石氏滅苻氏。起據有長安。燕涼之地皆入于堅。桓溫經畧中原。僅能克蜀。及苻堅敗。慕容復興。呂光僭竊燕涼。始貳姚萇。弑堅。盜長安。稱後秦。滅呂氏。涼分爲三。乞伏氏介于秦涼之間。稱西秦。旣而後燕中亂。燕亦分南北矣。劉裕匡晉亂。南燕後秦咸殄。裕東還。後秦復陷于夏。當日

馮跋則滅北燕。西秦則滅南涼。北涼則滅西涼。覆西秦。晉亡。宋興之日。所存者惟北燕。馮氏涼。沮渠氏。夏。赫連氏而已。魏一舉而滅之。其有天。下豈特三分之二哉。宋文帝元嘉元年。魏太武。燾之始。光元年也。燾卽位四年而滅夏。又八年。而滅燕。又三年而滅涼。燕涼之亡。師行卽克。伐。夏則未易也。夏之興。繇赫連勃勃控朔方。而姚。興不敢問。襲長安。而劉裕不能伐。定都統萬。勒。銘城南。陰山之傑。不弱于魏。燾立一年而勃勃。

死。是天助魏也。赫連昌立。燾決謀西伐。先破長。安。後圍統萬。昌棄城保上邽。安頡攻禽之。烝徒。飛翰。亡不過稔。然風雨馬蹶。微服逐奔。燾幾不。免。殆亦之死而生矣。北涼之強。不若夏。後燕之。強。不若涼。魏旣滅。夏何有二國用兵之道。先近。而後遠。先難而後易。燾蓋以赫連爲建瓴也。蒙。遜苞禍。滅親。勃勃凶殘。害物。揆以天道。災當及。身。然物情之所惡。敵國之所畏也。兩人不死。統。萬。十。仞。之。城。姑。臧。水。草。之。地。魏。敢。騁。其。車。轍。乎。

史記二編 卷五  
赫連定合燼于平涼沮渠無諱跳跡于鄯善餘  
兵再奮僅支歲月卽灑涕陰槃奉表建康終于  
老病誅死安能復反故國哉

魏滅北涼

西秦之乾歸弒于公府南涼之儻檀煬于熾槃  
兩人雄霸啓國不免凶終窮兵厚亡自貽其毒  
抑悖惡未若大沮渠蒙遜甚也蒙遜殺兄弒君  
鴟跖河西淫忌忍戮閨庭無禮新臺之變闡人  
王懷祖擊之傷足不死妻孟氏擒斬之夷其三  
族竟保考終享年六十六在僞位者三十三年  
其得天幸又過馮跋豈惡積滅身於夷狄獨不  
信歟蒙遜病死菩提幼弱乃立牧犍固謂好學

史高二編 卷五 三三  
雅量國人所悅成君以後何其淫逞也慕容垂  
之立寶慕容德之立超咸采譽青宮馳聲風表  
一當大位卽喪身殞國爲世慘笑牧犍器性遠  
謝寶超加以蒙遜貽謀不辨男女姊妹受術于  
沙門李氏傳嬖于宮掖朋行淫亂寧復知耻魏  
太武與涼和親日夜謀西畧蒙遜存時嫌釁已  
見牧犍無道適授以名大師親征聲罪十二姑  
臧城潰面縛來降燉煌老父之書帶石七年之  
識期數不爽又未可謂無天也李順初使于涼

歸告魏主言其可圖金寶入懷巧言沮計崔浩  
厲詞折之伊馥請主決討水草豐饒軍行告捷  
順後伏誅貪人罰均矣牧犍依棲魏朝猶以武  
威公主之戚齒列貴臣未幾賜死女襲母爵或  
疑太武好殺不仁然禿髮儁檀之女不嘗爲秦  
王熾磐后乎儁檀困敗歸秦父子俱死彼恃婚  
姻而來身卽死于婚姻牧犍於魏又何可託也  
西秦暮末之逼于蒙遜也不得已而臣魏魏遣  
庫結迎之吉毘止其內徙爲夏所殺北燕馮弘

史論二編 卷五 魏滅北涼 三三



史記二編 卷五  
與魏戰數困。楊嶠勸弘速遣太子入侍魏。不從。而請迎于高麗王璉。遂死北豐。秦燕之主殞首。他國者以不入魏也。牧犍入魏而復死。魏何以勸來者乎。大國方奮殺降之威。亡王尚覬議親之典。天下所以共笑其愚也。

### 魏平仇池

沈約言楊氏兵精地險。境接華漢。伺隙邊關。首鼠彊徼。遂西入白馬。東出黃金。乘晉燾之捷。搆圍涪之豐。齊之宣皇。定命先驅。致屈南城。全勝萬里。裴劉二將。藉其威聲。使濁水靡旗。蘭臯失險。功烈盛矣。斯蓋謂楊難當。助司馬飛龍爲亂。連年南寇。規有蜀土。而深美蕭思話。蕭承之與裴方明。劉真道之能。莫平也。氏楊僭忽。見于漢晉。苻堅克楊纂。徙戶關中。空百頃地。楊佛奴楊

佛狗。皆宋奴子也。宋奴以殺楊初被誅。二子奔  
堅。堅以女妻佛奴子定。苻氏之亂。定感恩盡力。  
堅死。奔隴右。後殺于乞伏乾歸。無子。佛狗子盛  
統事。遂有漢中地。定不負君盛。不辱兄。亦荒服  
之賢帥也。盛素稱藩于晉。宋武帝受禪。封爲武  
都王。盛仍奉晉永熙年號。臨沒。語其子玄曰。吾  
年已老。當終爲晉臣。汝善事宋帝。玄承命。始用  
元嘉正朔。恩于待士。流舊懷德。保境令終。誠稱  
善守。玄死。欲以其國授弟難當。難當固辭。奉立

保宗。惑于妻言。廢之自立。流人生變。遽失蕃禮。  
虔劉巴蜀。喪地奔魏。跡其侈心。將思吞黑水。傾  
井絡。而并仇池。之不保。狡戎猾夏。安在其有利  
也。思話平涼州時。難當奉表謝罪。亦云臣歷代  
守蕃。世荷殊寵。要名期義。不在今日。豈可假託  
妖妄。毀敗成功。乃甘言上騰。而控弦復發。何以  
明忠信于朝廷乎。姚氏勸難當自立。固謂國嶮  
立長。反事孺子。非久計。今亡仇池者。長君也。煽  
妻鳴雌。寧足信哉。楊保宗歸魏。尚公主。其弟文

史記二編 卷五 三五  
德說之。辨公主亦爲決計。欲爲國母而恥縣主也。志大于熾磐。王后死。賢于沮渠。昭儀是亦難當。妻之流而懷望不遂者乎。

劉裕篡晉

宋武性不信奇怪。既貴。史官審問微時符瑞。拒而不答。及不豫。群臣請禱。上下神祇。謝弗應。其豁達大度。亦沛公匹也。然竹林龍章。新洲杵臼。史書誑耀。甚於赤帝。孔恭占其墓地。非常。帝心內喜。韋叟相而言中。用領軍佐。不負信桐葉。迨受禪。勸進言天文符應者數十。駱達釋法稱辭。論尤鑿。若劉季卯金。光武赤伏。持之有故。凡人賤好奇異。富貴惡不祥。始所慕說。冀惑世衆。

史記二編 卷五 三十一  
久而厭之。卽謂近巫鬼。不可示子孫。則絕口不  
欲言。常情然也。帝令王韶之弒晉安帝於東堂。  
其時可以郊壇卽位。又遲不取。復立恭帝。廢而  
弒之。一人殺二主。其情不作。謂應昌明二帝之  
讖。夫大逆不再。再則有憂亂。臣賊子猶震而懼  
焉。王莽弒平帝。不殺孺子嬰。司馬昭弒高貴鄉  
公。其子炎不殺陳留王璜。宋武效而甚之。竟以  
安恭厭讖。芒刃再見。欲後昆長世難矣。劉毅與  
諸葛長民。裕所忌也。司馬休之。晉宗室之強者  
也。毅敗於王鎮惡。長民死於丁旡。休之爲胡藩  
所逐。北走入秦。奸雄之盜人國也。去其異已。傷  
其本枝。然後次以及君帝。蓋工其術者也。漢高  
用兵久。善殺功臣。宋武久習兵。則善弒人主。兵  
不可試。如是夫。

元魏寇宋

宋高祖殂。魏主議取洛陽虎牢滑臺。崔浩固諫。文帝元嘉二十九年。魏宗愛弒太武帝。更謀北伐。何偃止之。既師出。皆無功。信哉乘人之危。迫人於險。中國不能得志於夷狄。夷狄不能得志於中國。一也。晉文公卒。將殯曲沃。秦穆公潛師軼之。蹇叔哭而送其子。後有崤之敗。伐喪不仁。自古記之。崔浩勸魏主弔祭宋祖。存孤恤災。使義聲布天下。江南不攻自服。雖明世變。識時務。

亦據經行仁之篤論也。魯蕭輔孫權議絕曹操。而與蜀和王猛相符。堅臨終戒無伐晉賢者在。人國不愛小義不就小名。所持者天下之是。萬世之安而已矣。肅不事漢而事權。猛不事晉而事堅。適當其會為知己用耳。江漢朝宗天王河陽未嘗一日忘也。崔浩智同子房。臣於佛狸。伐宋之論。每進格論。義存止戈。其亦心魯蕭王猛之心乎。竺夔保東陽。叔孫建攻之不下。奚斤等環圍虎牢。毛德祖誓以死守。宋雖挫折。魏亦殺

傷攻城不如略地。浩言中矣。毛德祖患公孫表權略。縱反間於奚斤。魏主殺表。後文帝以其術間王慧龍。主弗問也。勞以璽書。間術之難行也。一而疑再而不信。君子以是益悲。范增之不遇也。

宋武年踰不惑始生少帝晚而有子愛且過甚遂至失教敗德臨喪不哀遨戲無度徐羨之傅亮謝晦與檀道濟同被顧命憂念國家計圖黜昏於是少帝夕寢龍舟朝出東閣跡雖不順非得已也然必使邢安泰弑之悖矣羨之等謀廢少帝復惡義真當次先列其罪徙降庶人少帝既弑禍心未已又殺義真武皇陵土未乾二子相繼勦戮伊尹桐宮豈若是乎傅亮迎文帝東

徐傅廢立

宋武年踰不惑始生少帝晚而有子愛且過甚遂至失教敗德臨喪不哀遨戲無度徐羨之傅亮謝晦與檀道濟同被顧命憂念國家計圖黜昏於是少帝夕寢龍舟朝出東閣跡雖不順非得已也然必使邢安泰弑之悖矣羨之等謀廢少帝復惡義真當次先列其罪徙降庶人少帝既弑禍心未已又殺義真武皇陵土未乾二子相繼勦戮伊尹桐宮豈若是乎傅亮迎文帝東

下。引見之日。帝問義真。少帝薨。廢本末。悲號鳴咽。亮卽自度不免。晉大夫里克殺奚齊。卓子納。晉惠公。惠公殺之。謂其難乎爲君。羨之等罪。不帝克三年始死。伏劍已晚。史言亮畏世路屯險。著演慎論。少帝失德。感蛾成賦。初奉大駕。道路賦詩。言有懼心。旣知傾覆。無由求退。作辛有穆生諸贊。稱其見微。卽彼知幾。寧讓傅迪。然有君而賊之。君可無死而死之。其臣實甚於上。何尤古者。危篡之臣。篡成則王不成。則族舉事之始。

非不日與死隣也。明知必死。故一爲之。冀其或成。是以布衣卿相。萌僥倖之心。少主鍾簾。罹塗炭之厄。李斯不斬。咸陽不思。上蔡凡人。寵極而危者。皆然。其身爲弑。而欲以功名終者。尤未聞也。謝世基與晦同死。臨刑爲連句詩。有橫海垂天之悲。晦續以保退無力。太行難陟。不怨身謀。而傷世俗。亦文人自文其愚也。



彭城王專政

義康聰識過人。長於政事。歷方任。領朝權。號稱  
 強敏。又性友悌。文帝病虛勞。入侍湯藥飲食。親  
 嘗以進。彌日忘寢。夫以國體之材。篤具爾之戚。  
 周旋帝側。內外無甚。卽終身。令名爲漢東平。可  
 也。廼劉湛傾危。范曄造亂。胡誕世弄兵。豫章奉  
 以爲名。遂至促命。向者寵榮適爲禍。不然瑕釁  
 所出。義康實不與聞。人啟其隙。而身當其患。則  
 謂之何。劉湛爲殷景仁所引。同被時遇。卽傾景

仁。欲。自。專。劉。斌。王。履。劉。敬。文。孔。胤。秀。等。附。麗。爲。群。其。謀。推。戴。凡。小。人。日。夜。指。天。日。出。心。腹。者。豈。爲。義。康。計。長。久。哉。苟。幸。成。事。取。富。貴。足。矣。帝。嘗。疾。篤。義。康。流。涕。感。然。以。幼。主。爲。懷。胤。秀。等。卽。圖。訪。舊。事。議。立。弟。彼。蓋。謂。介。弟。執。政。聲。勢。已。極。所。不。足。者。天。子。耳。不。知。其。坦。懷。憂。思。係。心。本。朝。也。孔。熙。先。感。義。康。救。父。之。德。力。懷。報。效。嗚。呼。欲。忠。於。文。帝。莫。若。勸。以。敦。睦。欲。忠。於。義。康。莫。若。勸。以。止。足。熙。先。不。念。張。約。扶。令。育。之。讜。言。而。計。出。於。

羊。勝。公。孫。詭。何。其。悖。也。范。曄。酒。狂。善。琵琶。豐。妓。妾。薄。父。母。門。胄。雖。華。物。望。不。及。熙。先。輕。屬。以。大。事。又。所。往。來。者。法。略。道。人。法。靜。尼。之。徒。細。人。傳。言。妄。窺。禁。密。卽。欲。不。敗。其。道。無。繇。曄。等。旣。死。義。康。益。危。蓋。骨。肉。釁。生。事。跡。章。著。間。義。康。者。義。康。猶。得。誅。之。奉。義。康。者。義。康。卽。不。與。其。謀。不。能。百。口。明。也。豫。章。兵。起。魏。師。再。至。帝。慮。義。康。甚。於。敵。國。掩。被。冤。酷。其。何。以。免。義。康。素。賤。文。義。厭。袁。淑。才。語。及。徙。安。成。讀。漢。書。見。淮。南。厲。王。長。事。始。廢。

史記二編 卷五 三十三  
書長嘆。夫處盛貴形跡之嫌。居高畏託足之衆。尊親如義康。猶然下者。可知已。

宋文圖恢復

文帝元嘉七年。興師北伐。魏礪礪滑臺洛陽。虎牢戍兵皆棄城去。諸軍色喜。王仲德獨憂其河水既合。必復南來。既姚聳夫敗於安頡。到彥之聞叔孫建長孫道生濟河而南。焚舟棄甲。步趨彭城。檀道濟師捷高梁亭。猶以食絕還旆。蕭思話劉振之等望風引却。敗降相屬。然後遣使通幣。折而求和策已下矣。元嘉政令鮮失。佛狸亦性不好殺。十餘年間。邊境無事。可不言兵。乃王

玄謨獻策用師。袁淑進諛封禪。帝又無故開兵。南兗徐兗豫青冀六州。無日不戰。遂至郡縣赤地。春燕巢林。前鑿不脩。後禍彌酷。齊桓復九世之讎。漢武洗白登之辱。不聞如是顛覆也。龐季明七十老人。身入長安。招合夷夏。關中豪傑。四山羌胡。蠡起應命。柳玄景進克陝城。薛安都斬其將張。是連提。王旗北指。眾呼萬歲。繇此戰勝。而言文帝經略中原。非迂也。王玄謨既敗。遽召元景等還。使劉康祖戰死。王羅漢被擒。失策之

中。又有失焉。兩軍得失。決機將帥。千里轉戰。事不繇中。帝志存河南。而不知擇帥。將出凶門。而責以君命。何異放跛犬逐狡兔。驅駿馬而繫其足也。卽玄謨初出兵時。魏王買德棄礪礪。避申元吉。張淮之棄樂安。避崔猛。宋兵方銳。魏所震也。玄謨頓刃滑臺。貪懷好殺。不綏河洛。歸民而征求。梨布將成之功。墮於一旦。蕭斌欲奮刀斬之。宜矣。檀道濟歸廷尉。魏人不憚。吳子裴方明有仇池功而死。佛狸遺書。訾笑大帥一跌數世。

身言二編 卷五 三三  
不復師貴丈人惡小子彼江湛徐湛之皆不足語此也

宗愛逆節

宗愛不知所繇來以罪爲闖人歷碎職至中常侍魏太武聰明威靈夷狄賢主獨信任愛爵郡公齊桓公尊管仲不能遠豎刁其後五子爭立尸蟲出戶君子見微知著惕然堅冰魏主之禍伏於正平元年賢如崔浩高允不聞諫諍殿廷斥愛就下位供掃除其國無人哉太子晃主之長子賀夫人所生五歲明慧強識長好經史通大義主所奇愛旣從征蠕蠕至鹿渾谷與賊遇

史記二編 卷五 三十一  
虜惶怖擾亂。請速進擊。掩不備。劉潔尼之。後獲  
虜候騎。云畏追北走。王深恨不用太子言。益親  
重。使監國。斷萬幾。愛嶮暴非法。太子所惡。仇尼  
道。盛任平成等。任事東宮。與愛不睦。愛構成其  
罪。斬於都街。太子憂死。久之。太武追悼不已。愛  
懼誅。弒王永安宮。父子之情。君臣之義。尊親無  
以加也。刑餘闕葺。威福過恣。間制其命。始賊太  
子。江充之迫戾園也。繼而弒君。李兌之餓王父  
也。賤人再逆。率土怨痛。廟堂晏如。無執簡書。弒

沐浴討賊者。豈春秋之法。不施於蠻貊歟。愛殺  
秦王翰。立吳王余。後余疑愛。謀奪其權。愛怒。使  
小黄門賈周等夜殺余。彼惟殺王而无忌。立王  
而不疑。一國君死。一國君生。生死直一夫也。令  
東廟之甲不發。劉尼之言得行。愛可沒齒無患。  
否則又擁皇孫。詔定策矣。尼與源賀。陸麗長孫  
渴侯。抱濟入平城。卽帝位。具愛周五刑。夷三族。  
罪人放而復得。三綱絕而復明。惜也不先行於  
太武。初變秦王未死之時。君子謂有逸罰焉。

太子劬弒逆  
 太子劬始生三日。文帝往視之。無風墜帽。濟將產之。夕有鵬鳥鳴於屋上。兩人窮竒。怪異先見。天產不祥。其有懼心乎。袁皇后初生劬。惡其形貌。欲不舉。帝撥幔禁之。世謂其自掇戎毒。然叔向之母能知伯石豺狼不能殺伯石。卒喪羊舌氏大夫。廢興其猶有時。變出天子宮室。豈復人力哉。濟生而母死。潘淑妃養以爲子。愛濟特深。濟不念也。劬弒帝。殺潘淑妃。剖視其心。濟反謝劬云。

太子劬弒逆

太子劬始生三日。文帝往視之。無風墜帽。濟將產之。夕有鵬鳥鳴於屋上。兩人窮竒。怪異先見。天產不祥。其有懼心乎。袁皇后初生劬。惡其形貌。欲不舉。帝撥幔禁之。世謂其自掇戎毒。然叔向之母能知伯石豺狼不能殺伯石。卒喪羊舌氏大夫。廢興其猶有時。變出天子宮室。豈復人力哉。濟生而母死。潘淑妃養以爲子。愛濟特深。濟不念也。劬弒帝。殺潘淑妃。剖視其心。濟反謝劬云。

下情所願。梟食母。獍食父。劭濬兼之。合殿之變。君子曰。固也。嚴道育。奚官賤婦。能爲巫。東陽公主。應閤婢。王鸚鵡與之善。稱於公主。託善蠶。召入宮。劭濬惑事之。遂與歌舞。詛呪帝。左道之爲禍也。其始。僅婦女之玩流珠之異。旣矯誣逆行。臣弑君子。弑父。頌言可爲文帝。平日不簡。敕二子。巫風蔑聞。及王鸚鵡出嫁。陳天與領隊。始誚讓太子。後事敗。又不忍罪。蔽所愛。而厚其毒。皆帝自爲也。道育變服。匿東宮。復隨濬出入。帝急

捕不得。以天子之尊。不能加一巫婦人。巫婦人何能爲。挾愛子而重也。帝謀廢劭。賜濬死。久不自決。徐湛之。江湛。各欲立所親。助爲猶豫。謀未成。於秉燭。刃已發。於東堂。語云。需者事之賊也。文帝殺子。而不斷。江祐等廢君。而不成。敗猶一轍也。袁淑。王僧綽。咸爲帝死。忠矣。然淑辭登車。不能討賊。僧綽勸帝。裁兒。委蛇。僞命。惜哉。義而不勇。病亦在需矣。



南郡王之叛

武帝七男。少帝義真為徐羨之等所弑。殺義康。義季皆死於文帝之時。孝武正位。所存獨江夏王義恭。南郡王義宣耳。初孝武討元兇。義宣遣徐遺寶率眾三千助先鋒。稱有功。事平論序。加羽葆鼓吹。給班劍。封子謚母。所欲必從。乃臧質妄言。異圖旋起。舍逸樂而趨禍患。抑何愚也。質少輕薄無簡。為文帝所嫌。既屢居名郡。涉獵文史。有氣幹。好言兵。即見大任。至封洩。便與魏太

武寫臺格購斬佛狸長圍衝車肝胎不下墨翟  
之守勇猶過之文帝崩問至立時舉義與薛安  
都程天祚等同會太極殿庭生禽元克魯爽祖  
父歸魏爽使酒得罪太武始與弟秀南還討劭  
之後爽與有勞兩人皆可無反驟而狂獾不聞  
三思蓋質起義陽口時心所推奉者獨義宣孝  
武事成非彼所期卽奉義宣亦利其闇下可制  
易於自爲非真欲北面臣事之也義宣內憤閨  
庭外惑游說密治舟甲尅孝建元年秋冬舉事

魯爽狂酒失旨正月便反遣府戶曹送版補義  
宣天子以臣叛君聚族耀師談笑俄頃不啻手  
搏其稱師也無正名其舉事也無定謀直數妄  
男子揭竿爲戲豈待魯秀痴人之歎知其必敗  
哉薛安都躍馬刺爽時人比於漢關羽之斬顏  
良義宣臧質聞而色戒義恭致書義宣以質方  
靈寶牢之義宣始疑質劉謐之顏樂之相基間  
質策皆不行繇是質頭入武庫義宣父子以獄  
戶誅興師命將以義振者任人而疑事尚背裂

史記二編 卷五  
羣叛烏聚復自猜貳亡無日矣。義宣跳身江夏。翟靈寶魯秀竺超民等。勸其治兵繕甲。更圖決戰。義宣昏沮不出。衆遂離散。大勢去者斂不復。合鋒銳盡者發不復。利人笑爲孤雛。而我自視。爲鷲鳥齊建。卽墨項籍江東。猶或難之。義宣其何能焉。

### 竟陵王之叛

竟陵王誕。文帝第六子也。文帝北侵魏。命諸藩並出。師皆奔敗。獨誕遣柳元景剋弘農關陝。元凶劭立。沈正顧琛說誕唱義。其將劉季之有奔牛塘之捷。義宣謀叛。力兼四州。武帝惴禍。欲具乘輿法物奉迎。誕持不可。旣上流平定。王座不移。彼歷兩朝。凡三建績。自以爲懿親有功。大城崇寄周公。其人也。匹夫告密。六師移之。憤而不服。遂起抗兵。武帝仇人。其弟弟亦反。之以仇投。

東晉二紀 卷五 四三  
表城下罪帝宮闈有狐綏綏詩人所刺帝不重  
自責又戮誕左右支黨千人誕在諸王功最高  
其負禍獨酷雀鼠哀生叫呼天地其視南平附  
劭身懼後夫喪魂食毒尤足悲矣賀弼始諫誕  
拒命抽刀不怨將佐邀降謝以飲藥范義誓死  
從誕不效何康之苟活王璵之五子在建業沈  
慶之縛而招之其志不奪呂曇濟携誕子景粹  
匿民間死不忍離四子俠烈標季所難雖烈夫  
慕義有臧洪韓延之風亦傷誕無罪願身游地

下也武帝既克廣陵詔屠其城人沈慶之強諫  
尚殺三千餘口築爲京觀不涕泣天顯而鯨鯢  
骨肉帝之不仁實愧楚莊矣誕未死時侍直夢  
覺失髻築廣陵城海陵夷孫干輿大罵請立六  
慎門又五音士狂易見鬼怖哭城上白布旛謂  
誕亡徵然誕罪可不死武帝逆探其心迫之於  
死天狗流血之災帝亦當躬受之非獨竟陵也

... 廢帝之亂 ... 孝武二十八男。廢帝子業。其長子也。元凶弒逆。誅夷。卒保無恙。度居帝位。必思艱難。乃相非人君。行同犬豕。即尊未幾。過惡甚於昌邑。千百二十七事。華光之弒。尚云罪浮其曆。子勛次在第三。廢帝有太祖世祖之疑。送藥賜死。朱景雲停溢口不進。鄧琬決謀。反戈內向。然尋陽甲兵未動。湘東已廢昏自立。為子勛者。束身歸命。優游

廢帝之亂

孝武二十八男。廢帝子業。其長子也。元凶弒逆。誅夷。卒保無恙。度居帝位。必思艱難。乃相非人君。行同犬豕。即尊未幾。過惡甚於昌邑。千百二十七事。華光之弒。尚云罪浮其曆。子勛次在第三。廢帝有太祖世祖之疑。送藥賜死。朱景雲停溢口不進。鄧琬決謀。反戈內向。然尋陽甲兵未動。湘東已廢昏自立。為子勛者。束身歸命。優游

黃閣亦長策也。鄧琬陶亮袁顗等才略不强。妄萌大志。子勛十一歲兒。惟其所爲。及劉胡夜遁。張悅貳心。累囚傳首。爲世所悲。休仁不仁。助桀爲虐。松滋侯兄弟一時勦死。予間考孝武諸子終始。未嘗不泫然也。廢帝死以十七歲。子勛子房子頊死以十一歲。子鸞子仁死以十歲。其他幼小鋤戮者年不能盡知也。國君害喪孩童。成群飲食不離。保姆言動制於左右。閨闈之外。事不及知。戕斧相尋。支體已裂。或死於其兒。或死

於諸父。刃頸見迫。痛生王家。夫廢帝不立。子尚子鸞子師不死。子勛不叛。松滋兄弟不誅。天故生之。又故殺之多。男多凶。其是謂與路太后崩數日。廢帝見夢。云孝武險虐滅道。結怨人神。兒子雖多。並無天命。孽積厥躬。而毒流嬰孺。末世亂君。家禍國釁。往往而然。書紀微子之命。有以哉。

宋明帝北伐

明帝在位七年。與魏構兵凡五年。其始非有不  
並之勢。積仇之劫。特以薛安都常珍奇據城北  
降。請兵自救。畢衆敬憤。子見誅。甘心逞逆。遂至  
長淮以北。忽焉戎有。迨師老氣竭。賈元友陳伐  
魏取陳蔡之策。劉劭斥其狂謀。難信。帝亦徘徊  
聽許。漢武悔田輪臺。其庶幾乎。明帝泰始二年  
八月。殺子勛。十月。殺子綏等十三人。踰六年而  
二月。殺休祐。五月。殺休仁。七月。殺休若。終帝之

長言二終 卷五 四十一  
世○非○攻○討○夷○狄○卽○屠○戮○骨○肉○彼○陰○賊○猖○戾○以○爲○  
骨○肉○之○患○等○於○夷○狄○也○然○子○綏○等○同○日○賜○死○休○  
祐○射○雉○拉○殺○休○仁○入○宿○仰○藥○休○若○召○赴○七○月○七○  
日○宴○而○死○翦○戮○同○氣○易○若○執○籬○魏○人○兵○臨○則○喪○  
師○蹙○地○善○戰○如○沈○攸○之○善○守○如○沈○文○秀○不○免○挫○  
傷○始○歎○骨○肉○之○弱○不○如○夷○狄○之○強○明○帝○滅○親○則○  
勇○當○敵○則○怯○後○日○螟○蛉○非○種○禍○流○瓊○幄○索○虜○左○  
衽○得○環○而○笑○之○矣○尋○陽○師○起○四○方○貢○計○咸○集○東○  
兵○至○永○世○宮○省○危○懼○蔡○興○宗○請○鎮○之○以○靜○待○人○

以○信○清○蕩○可○必○明○帝○從○其○言○轉○危○爲○安○子○勛○旣○  
敗○薛○安○都○歸○命○帝○命○張○永○沈○攸○之○將○十○五○萬○迎○  
之○興○宗○言○但○須○單○使○尺○書○勿○以○重○兵○生○其○疑○懼○  
帝○弗○是○也○耀○兵○示○威○釁○難○四○決○顛○覆○之○際○用○言○  
而○興○成○功○之○日○違○言○而○敗○裴○子○野○云○桓○公○矜○於○  
葵○丘○而○九○國○叛○曹○公○不○禮○張○松○而○天○下○分○前○鑒○  
之○失○於○宋○明○而○三○是○以○持○盈○難○也○  
終





而與如也之日數言高知榮乎裡安時公榮公  
 帝休其也謂良示知難難四火取費之謂用言  
 之與宗言對國單動凡言以直其主其其  
 相有安焉備命帝命張永此對  
 以謂爾也百心師帝對其言備

真和至成

身言一編

